



Tom Climent, Eden, 2019. Bailiúchán Gailearaí Ealaíne Crawford, Corcaigh. © an t-ealaíontóir.

Phreasráiteas 20/01/26

**Saothair ó Bhailiúchán Gailearaí Ealaíne Crawford
ag Gailearaí F.E. McWilliam**

Fógraíonn Gailearaí Ealaíne Crawford agus Gailearaí F.E. McWilliam comhfhiontar spreagúil maidir le taispeántas nua d'ealaín chomhaimseartha na hÉireann.

Tugann *Constellations: Selected Work from Crawford Art Gallery* saothair ealaíne ó Bhailiúchán Crawford chuig Gailearaí F.E. McWilliam i dTuaisceart Éireann. Is tréimhse spreagúil é seo don dá ghailearaí teacht i gcomhar lena chéile agus lucht féachana a nascadh le healaín chomhaimseartha na hÉireann.



Agus saothar 14 ealaíontóir atá lonnaithe ar oileán na hÉireann le feiceáil ann, leagann *Constellations* béim ar dhoimhneacht agus ar shaibhreas shealúchais chomhaimseartha Gailearaí Ealaíne Crawford laistigh de Bhailiúchán Náisiúnta na hÉireann. Tugann an taispeántas saothair le chéile ó ealaíontóirí seanbhunaithe cosúil le Nick Miller, Amanda Coogan, Katie Holten, Corban Walker, Dragana Jurišić, agus Isabel Nolan, a bheidh mar ionadaí na hÉireann ag Biennale na Veinéise 2026, mar aon le healaíontóirí a bhfuil a gcleachtais ag éirí níos cáiliúla agus níos aitheanta, lena n-áirítear Laura Fitzgerald agus Niamh Swanton, mar aon le healaíontóirí a bhfuil ceangal acu le Tuaisceart Éireann, Ronnie Hughes, Jennifer Trouton, agus Michael Hanna.

Agus é ceangailte leis an úsáid a bhaineann na healaíontóirí as dath misniúil agus as téamaí comhroinnte an dúlra, an tsaoil tí agus na féiniúlachta, tá réimse saothar ealaíne sa taispeántas seo idir scannánaíocht agus ghrianghrafadóireacht, idir líníocht agus dealbhóireacht. Faigheann canbhás mór Tom Climent, *Eden*, macalla i ndathanna *Encrusted Dog* de chuid Declan Byrne, agus cuireann saoirse ghrianghraif faoi uisce Jurišić le greann tráthúil Coogan, Fitzgerald, Swanton, agus Aideen Barry. I dteannta a chéile, léiríonn siad spráíúlacht

agus samhlaíocht agus tugann siad aghaidh freisin ar smaointe níos doimhne faoin tsaoirse, faoin gcumhacht agus faoin ngnáthshaol laethúil.

Fuair Gailearaí Ealaíne Crawford roinnt saothar sa taispeántas le linn dhianghlasáil COVID-19 mar chuid d'infheistíocht Rialtas na hÉireann i



mBailiúchán Náisiúnta na hÉireann. Agus é ag leanúint ar aghaidh tar éis rath na bliana anuraidh de *Grá* ag Uillinn: Ionad Ealaíon Iarthar Chorcaí, leanann Gailearaí Ealaíne Crawford ar aghaidh leis seo lena chlár Camchuaiрте & Comhroinnte agus é dúnta don athfhorbairt.

“Tá áthas ar Ghailearaí Ealaíne Crawford an chomhpháirtíocht seo le Gailearaí F.E. McWilliam a neartú agus tacú le camchuaiртеanna láidre agus malartú institiúideach ar fud oileán na hÉireann,” a dúirt Mary McCarthy, Stiúrthóir Ghailearaí Ealaíne Crawford faoin gcaidreamh.

“Tugann *Constellations* mar thaispeántas deis iontach do na healaíontóirí taispeántais teacht ar lucht féachana nua agus páirt a ghlacadh i gcomhrá laistigh de chomhthéacs nua.”

Dúirt an Dr Riann Coulter, Coimeádaí Ghailearaí F.E. McWilliam, ‘Taispeánann *Constellations* roinnt de réaltaí shaol ealaíne na hÉireann agus léiríonn sé cáilíocht agus éagsúlacht Bhailiúchán Ghailearaí Ealaíne Crawford. Táimid buíoch de Ghailearaí Ealaíne Crawford as na saothair iontacha seo ó Bhailiúchán Náisiúnta na hÉireann a roinnt agus táimid ag tnúth le fáilte a chur roimh chuairteoirí chuig an taispeántas bríomhar tarraingteach seo’.

Is é an taispeántas seo an chaibidil is déanaí i gcaidreamh trasteorann leanúnach idir Gailearaí F.E. McWilliam agus Gailearaí Ealaíne Crawford a thosaigh in 2013, nuair a tháinig an dá institiúid agus Músaem Nua-Ealaíne na hÉireann i gcomhar lena chéile ar an taispeántas camchuaiрте ceannródaíoch *Analysing Cubism*.



Déantar na startha comhroinnte seo a neartú tuilleadh le huaimhianta comhthreomhara, toisc go bhfuil Gailearaí Ealaíne Crawford agus Gailearaí F.E. McWilliam i mbun mórhionscadail athfhorbartha faoi láthair a fhágfaidh go mbeidh dhá oiread spáis acu araon chun dul i ngleic le lucht féachana nua, aire a thabhairt dá mbailiúcháin agus cur leo agus rochtain ar ealaín a fheabhsú do chách.

Osclaíonn *Constellations: Selected Work from Crawford Art Gallery*, ar an 14 Feabhra agus beidh sé ar taispeáint go dtí an 2 Bealtaine 2026 i nGailearaí F.E. McWilliam agus tá sé maoinithe ag an Roinn Cultúir, Cumarsáide agus Spóirt.

Beidh saothair ealaíne comhaimseartha ar taispeáint ann le Aideen Barry, Declan Byrne, Tom Climent, Amanda Coogan, Laura Fitzgerald, Michael Hanna, Katie Holten, Ronnie Hughes, Dragana Jurišić, Nick Miller, Isabel Nolan, Niamh Swanton, Jennifer Trouton, agus Corban Walker.

CRÍOCH

www.crawfordartgallery.ie

Dyane Hanrahan, Bainisteoir Margaíochta & Cumarsáide

R: dyanehanrahan@crawfordartgallery.ie

T +353 (0) 21 4907856 M +353 (0) 86 8278151

Sorcha O'Brien, Feidhmeannach Margaíochta & Cumarsáide

R: marketing@crawfordartgallery.ie

T +353 (0) 21 4907856

Nótaí don Eagarthóir:

Le haghaidh íomhánna fotheidealaithe ardaifigh, [cliceáil anseo](#).

Maidir le Gailearaí Ealaíne Crawford



Tá Gailearaí Ealaíne Crawford dúnta don phobal faoi láthair le haghaidh athfhorbartha mhóir; Claochlú Gailearaí Ealaíne Crawford.

Is institiúid chultúrtha náisiúnta é Gailearaí Ealaíne Crawford atá suite i bhfoirgneamh oidhreachtasach i gcroílár chathair Chorcaí, agus atá tiomnaithe do na hamharc-ealaíona, idir stairiúil agus chomhaimseartha. Agus é

ag cur clár fuinniúil taispeántas sealadach ar fáil, tá bailiúchán náisiúnta tábhachtach faoina dhíon freisin a insíonn scéal spéisiúil Chorcaí agus na hÉireann le trí chéad bliain anuas.

Tógadh ar dtús i 1724 é mar Theach Custaim na cathrach agus tá Múnlaí cáiliúla Canova ar taispeáint sa Ghailearaí, a bronnadh ar Chorcaigh dhá chéad bliain ó shin. I measc bhailiúchán an ghailearaí, tá os cionn 3,500 saothar ó ealaíontóirí comhaimseartha na hÉireann agus idirnáisiúnta Isabel Nolan, Gerard Byrne, Joy Gerrard, Rula Halawani, Kathy Prendergast, Dorothy Cross, Sean Scully agus Nedko Solakov mar aon leis na saothair ó na healaíontóirí a bhfuil an-tóir orthu James Barry, Mainie Jellett, Daniel Maclise, Norah McGuinness, Harry Clarke, Seán Keating, John Lavery, Evie Hone, Patrick Scott, Mary Swanzy agus Jack B. Yeats.

Maidir le Chlaochlú Ghailearaí Ealaíne Crawford

Tá Gailearaí Ealaíne Crawford dúnta don phobal agus tá tionscadal athfhorbartha caipitil spreagúil ar bun aici faoi láthair: Gailearaí Ealaíne Crawford a chlaochlú.

Cuirfidh an infheistíocht, ar fiú na milliúin euro é, beagnach 50% breise le spás an ghailearaí, agus déanfaidh sé trí chéad bliain d'oidhreacht thógtha a chaomhnú agus a chosaint, agus cruthófar oidhreacht chultúrtha don ghlúin amach romhainn de réir mar a bheidh Corcaigh ag leanúint ag fás.

Is togra de chuid Thograí Rialtas na hÉireann 2040 é atá ag fáil maoiniú ón Roinn Cultúir, Cumarsáide agus Spóirt i gcomhar le hOifig na nOibreacha Poiblí (OPW).

Tá Ailtirí Grafton, [a bhfuil gradaim bainte acu, tar éis obair a dhéanamh ar dhearadh athfhorbartha](#) lena n-áirítear áis Foghlama agus Fiosraithe nua le rannpháirtíocht ghníomhach, stóráil shuntasach don Bhailiúchán Náisiúnta, bealach isteach nua, agus spás poiblí a bheidh feabhsaithe go mór lena n-áirítear caifé nua ar Shráid na Leathghealaí chomh maith le spásanna taispeántais breise. Beidh bealach isteach an fhoirgnimh curtha ar ais go Plás Emmet de réir leagan amach Theach an Chustaim a chuaigh siar go 1724. Cruthófar spás mór gailearaí nua, a chruthaíonn radharc do chuairoteoirí chun féachaint ar shainchomharthaí i lár na cathrach lena n-áirítear Ardán San Anna, An Seandún agus Ardeaglais Naomh Fionnbarra.



Chun níos mó eolais rialta a fháil ar Chlaochlú Ghailearaí Ealaíne Crawford, is fearr clárú do nuachtlitir an ghailearaí ar www.crawfordartgallery.ie nó lean muid ar mheáin shóisialta an ghailearaí.

Maidir le Gailearaí F.E. McWilliam

Osclaíodh Gailearaí F.E. McWilliam in 2008 chun ceiliúradh a dhéanamh ar shaol agus ar shaothair an dealbhóra cháiliúil Frederick Edward McWilliam (1909-1992), arbh as Droichead na Banna ó dhúchas é.

Tá taispeántas buan de shaothar McWilliam sa Ghailearaí, chomh maith le taispeántais shealadacha ealaíne Éireannaí agus idirnáisiúnta, siopa ceardaíochta agus caifé gradamúil Quails. Tá clú agus cáil ar an nGailearaí as a chuid taispeántas den scoth agus as na cláir ionchuimsitheacha

oideachais agus an tsársheirbhís do chustaiméirí a chuireann sé ar fáil, agus bíonn go leor cuairteoirí áitiúla, náisiúnta agus idirnáisiúnta ag tarraingt air.

Is iad Luan - Satharn 10.00rn go 5.00in na huaireanta oscailte.

<https://visitarmagh.com/places-to-explore/f-e-mcwilliam-gallery/>